

Informacija sa klix-a

Na prethodno podnijeti zahtjev prema Evropskom institutu za javnu administraciju EIPA navedena institucija odobrila je registraciju Kantonalne uprave za inspeksijske u bazu podataka korisnika CAF-a (Common Assessment Framework) - zajednički okvir procjene, koji predstavlja sistem upravljanja kvalitetom za institucije javne uprave.

Na osnovu CAF-a zaposleni i menadžeri procjenjuju vlastitu organizaciju, utvrđuju njene prednosti i potencijale, te vrše permanentna poboljšanja.

Podsjećamo, da su 23. aprila 2021. godine Kantonalna uprava za inspeksijske poslove Kantona Sarajevo i Agencija za državnu službu Federacije BiH, potpisale projekat Implementacije CAF-a, a krajem prošle godine okončana je zajednička samoprocjena organizacije, nakon čega je izrađen CAF upitnik po utvrđenim kriterijima i potkriterijima, a osim toga izvršena je i samoprocjena identificiranih snaga i slabosti, te definirani prijedlozi za unapređenje.

"Registracijom Kantonalne uprave za inspeksijske poslove Kantona Sarajevo u bazi podataka korisnika CAF-a pri Evropskom institutu za javnu administraciju EIPA, po Ugovoru iz Maastrichta, upotpunjujemo potrebne alate za ispunjavanje definiranih ciljeva u skladu sa standradima EU", rekao je direktor KUIP-a Fahir Halilović.

Pojasnio je da je KUIP prva kantonalna ustanova u KS koja primjenjuje CAF model upravljanja, u kojem je jedna od ključnih zadaća glavnih menadžera definisanje strateških ciljeva.

"U tom svojstvu definirao sam strateške ciljeve Kantonalne uprave za inspeksijske poslove Kantona Sarajevo, među kojima su dva navažnija, a to je uspostava Demingovog kruga koji se sastoji od četiri faze: Planiraj - Izvrši - Provjeri - Poboljšaj, te uspostava totalnog upravljanja kvalitetom (TQM) u Upravi, a što je u skladu sa CAF projektom", dodao je Halilović naglašavajući da će pristup bazi podataka korisnika CAF-a pri Evropskom institutu za javnu administraciju doprinijeti efikasnijem i efektivnijem postizanju utvrđenih strateških ciljeva Kantonalne uprave za inspeksijske poslove Kantona Sarajevo.